

Hackett Kugaa Havaktaugialik Nainaaqtauhimayuq

Hamna Hackett Kugaa Havaktaugialik (Havaangit) nayugaat iluaniittuq Kitikmeot Aviktuqhimayumi Uataa Nunavunmi. Una nanminiriyangit uvaniittuni Kuin Nunaanit uvanilu Inuit Nanminiriyangit Nunaqutait iluani Uataanngat Kitikmeot Aviktuqhimayumi Nunat Atuqtaunikhainnut Parnaiyautit Iniani. Una Havaariyauyukhaq nayugaaniitunaqhiyauq 300 km hivuraa Iqaluktuuttiarmi 80 km hivuraanit uataa Qingaungmi. Hamna Havaariyauyukhaq nanminiqutauyuq aulapkaivluni Glencore Kanata Kuapuriisanmi. Havaariyauyukhaq ilaliutauhimayuq aulaviqaqhuni ukiunnginnaanit havagvik milviqaqhuni (hikumi ukiumi, nunam qaangani auyamilu). Una Havaariyauyukhaq tadjja amiqtauhimayuq havaktauvakhunilu qauyiharvikhamik piliriakhait ilaliutauhimayurlu qiplariktumik hauvaktait hulidjuhiit havaktauvlunilu imaup laisilingni nutaannguqtauvaktumik hivitunianit. Amiqhaigaangami havaktaugaangallu havaktauffaaqhugit haliqhimayauvaktuq auyannguraangat. Qauyihagtut hauhimaniarumik, aadjikkiiktumik aulaviqaqhunnguyut igluliurahuagtukhanillu. Una qauyiharnirumi naaguhiyaugumi hamna avatingnit ilittuqhiyangit ilagiyaugumi havaktaugiami uyaraqtarvik pivallianirnit iniliurialik.

Angiqtauhimagumi hamna havaktauyukhanut hulidjuhiit unalu amihuuyut igluliurahuarnikkut aulapkaihimayut, Glencore Kanata Kuapuriisan atiliurahuagtut nutaannguqtirnahuarlugit atuqhimayangit imaup laisikhaat haffumani Hackett Kugaa (2BE-HAK0915). Qauyiharnirnut hulidjuhiit nakuutqiyahiuqhimayauyuq ihumaliuqtauvluni kihunngurialik avatingnut ihivriuqtakhait

Qauyiharningit hulidjuhiit nakuutqiyahiuqtauhimayut ihumaliuqtauvlunilu kihunnguqtauvluni avatingnut ihivriuqtauhimayuq (NIRB titiqqangit 04EN012, 06EN033 unalu 08EA084). Tukhiutiqaanngittunilu nutaannguqtiriami angiqtauhimayuq ubluq tamaat aktingnia imarmut [tadja 299 m³/ubluq; tamatkiumayut havagvik (iluani) imaq atuqtauningit naahimaittumik 30 m³/ubluq; Hauhimayut imait imiqtaugiaqaqtut tattiinit tahirarnillu, qanilruanngat hauhimayangit hivunianit naahimaittukhat 269 m³/ubluq].